

Poli à letereŋi shɔnwuŋi ngemu tun Timɔti á ke

Mpe yii à yaa yii cè mà jwo yii jyè letereŋi funŋɔ jwumpe e ke

Letereŋi shɔnwuŋi Poli à tun Timɔti á ke, uru u à pyi Poli letereŋi nizanŋi, mpíi u à séme na pi jye Kile Jwumpe Semɛŋi i ke. Pi à u nijjyewuŋi cù a le kàsuni i Kile jwumpe njwuŋi kurugo. U mpyi a cè na uru tèekwuun'à byanhara. U mpyi a cè mú na uru ká ŋkwû, na uru sí n-kàre Kafoonŋi Yesu yyére. Lire e u à ŋge letereŋi séme maa u yerɛyi nizanŋyi le u e mà tun Timɔti á, maa màban le u e u báaraŋi mpyiŋi na.

Poli mpyi a cè na Timɔti à ŋgaha ta Kile báaraŋi i. Lire kurugo u à u yerɛ na u pyi uru fiige, u u ŋkwôro u a sùpyire kâlali Kile jwumpe na, bà pi à u kála pu na mà u yaha nànjjiwe me; na u à yaa u a kacɛnŋii pyi sùpyire puni na, u mú à yaa u a sùpyire taanni Kile kuni jaaraŋkanni na ná lùtaanni i. Bà faapyiŋi maha u kerege báare me, u raa báare sèe sèl'e amuni, bà Jwumpe Nintanmpe si mpyi si nɔ cyeye nijyahay'e me.

Poli à Timɔti shéere

1 ¹Mii Poli u jye Yesu *Kirisita túnntunŋɔ mà tàanna ná Kile jyii wuuni i ke, shìŋi jwɔmɛeni Kile à lwɔ ná uru maha ntaa Yesu Kirisita wwoŋɛge cye kurugo ke, u à mii tun mii u sà a uru jwumpe yu. ²Mii à ŋge letereŋi tun mu á Timɔti, mu u jye mii ntàannamajyaŋi mà tàanna ná Kile kuni i ke, wuu Tuŋi Kile ná wuu Kafoonŋi Yesu Kirisita pi jwɔ ma na, pi i jùjaara ta ma na, pi i yyeniŋke kan ma á.

Poli à màban le Timɔti i Kile jwumpe njwuŋi na

³Mii à Kile shéere, uru ŋgemu á mii na báaraŋi pyi ná funvyinge e, na tulyeyi fiige ke. Pilaga bâra canŋa na, mii aha a Kile jáare, mii funŋɔ jye na wwùu mu na me. ⁴Canŋke wuu à láha wuye na ke, mu à mɛɛ sù sèl'e, mii funŋɔ jye a wwɔ lire na me. Lire e mii la jye si núru mu jya, bà mii funŋke si mpyi si ntáan sèl'e me. ⁵Mii funŋɔ sàha wwɔ mu Kile kuni jaaraŋkanni nijcɛnni na me, mu nulyage Loyisi ná mu nuŋi Enisi à lire ndemu jaara mu yyaha na ke. Mii mú s'à tɛen ná l'e na mu à kwôro lire kuni i.

⁶Lire kurugo tɛni i mii à na cyeyi taha mu jùŋke na maa Kile jáare, ka mu u Kile màkange ŋkemu ta u báaraŋi mɛɛ na ke, maye pɔwò bà kuru si

mpyi si ŋkwôro mu cye e mɛ. ⁷*Kile Munaani ká wuu yyaha cû, wuu saha nye a yaa wuu a fyáge mɛ, jaha na ye li sí fànha kan wuu á, si tàange le wuu zòmpyaagil'e, si wuu pyi wuu cû wuye na. ⁸Lire kurugo ma hà raa silege s'a wuu Kafooŋi Yesu kyaa yu sùpyir'á mɛ. Mii mée nye kàsuni i u mege kurugo ke, lire kà mpyi ma á silege kyaa mɛ. Ŋka maye pwo Kile fànhe niŋkange na, ma a ma nàzhan lwó kyaage e mii fiige Jwumpe Nintanmpe njwuŋi kurugo.

⁹Kile u à wuu shwɔ, maa wuu yyer'a pyi sùpyii fwɔnrɔ baa wuu. Wuu kacɛŋkii kurugo bà u à lire pyi mɛ, wuu ná Yesu *Kirisita wwoŋɛge kurugo, u à jwɔ wuu na maa lire pyi mà tàanna ná u nyii wuuni i, mà diŋyɛŋi ta u sàha sii mɛ. ¹⁰Numɛ u à lire kacɛnni cyêe wuu na wuu Shwofooŋi Yesu Kirisita mpaŋi cye kurugo. Uru u à fànha ta kwùŋi na, maa li cyêe na wuu aha jɛɛ Jwumpe Nintanmpe na, wuu sí shìŋi niŋkwombaaŋi ta. ¹¹Puru Jwumpe Nintanmpe njwuŋi kurugo Kile à mii pyi u tùnntunŋɔ. Mii na puru jwumpe yu sùpyir'á marii pi kálali pu na. ¹²Lire kurugo ŋke yyefuge puni nye mii juŋ'i. Ŋka lire ná li wuuni mú i, lire nye mii á silege kyaa mɛ, jaha na ye ŋgemu na mii à na cyɛge taha ke, mii à uru cè, mii mú à tɛɛn ná l'e, nde mii à kan u á ke, li síŋi nye u na mà lire màra fo diŋye canŋkwɔge.

¹³Nye Timŋti, jwumpe sèe wumpe mii à jwo mu á ke, puru yaha maye funŋ'i, maa maye pwo Kile kuni jaaraŋi na. Ntàannamagare ti nye na ntaa Yesu Kirisita wwoŋɛge e ke, ta ma karigii pyi ma a ntàanni ná tire e. ¹⁴Jwumpe Nintanmpe p'à jwo mu á ke, ma hà wà yaha u a pu labali u a yu mɛ. Pu màra ná Kile Munaani fànhe e, lire ndemu l'à tɛɛn wuu e ke.

¹⁵Mu à cè na Azi kùluni dánafeebii pun'à kàntugo wà mii na, Fijeli ná ɛrimɔjɛni mú na nye pire e. ¹⁶Ŋka Onɛzifɔri wi ke, u à mii funŋke jìŋe karii niŋyahagil'e. Mii kàsuyiini nye a pyi u á silege kyaa mɛ. Kafooŋi u jùŋaara ta u pyenge shiinbii na. ¹⁷Tɛni i u à pa naha *Ɔrɔmu kànbwɔhe e ke, u à mii cya fo mà mii nya. ¹⁸Kafooŋi Kile u jùŋaara ta u na diŋyɛŋi canŋkwɔge Kafooŋi Yesu mege na. U à kacɛŋkii jcyiimu pyi mii na mà mii yaha Efese kànhe e ke, mu Timŋti à cyire cè mà tòro sùpyire puni na.

Kirisita sèebaarapyiŋi kani

2 ¹Nye mii jyaŋi Timŋti, Yesu *Kirisita à jwɔ mu na maa fànhe ŋkemu kan mu á, mu ná u wwoŋɛge e ke, ta Kile kuni jaare ná kur'e. ²Kile Jwumpe mu à lógo mii jwɔ na shinŋyahara nyii na ke, puru jwumpe jwo piiberil'á, wà sí n-jà cye taha mpiimu na, ná pire mú sí n-jà pu jwo piiberil'á ke.

³Ná mu sí nye Yesu Kirisita sòrolashi niŋcɛnŋe, ma nàzhan lwó yyefuge e. ⁴Kampyi sòrolashiŋi la nye si ntáan u jùŋufooŋ'á, u kapyiŋkii saha

nye a yaa cyi pyi shintiiwe wogii fiige me. ⁵ Ŋgemu u nye na kajatafere fi mú ke, u aha mpyi u nye na fi mà tàanna ná tire tafere kuzhegil'e me, urufoo sí kajanjwooni ta me. ⁶ Faapyiŋi u à màban le uye e sèl'e ke, uru sí n-fyànha u kanhare tònŋi ta. ⁷ Karigii yyaha mii à jwo mu á ke, funŋke cya cyi na sèl'e. Lire ká mpyi, wuu Kafoonji sí mu tège bà mu si mpyi si cyi puni yyaha cè me.

⁸ Funŋo cwo saanŋi *Dawuda tùluge shinŋi Yesu Kirisita na, u à kwú maa jè a fwooro kwùŋi i. Puru Jwumpe Nintanmpe mii nye na yu sùpyir'á. ⁹ Puru jwumpe njwuŋi kurugo, mii nye kyaage e, pi à mii le a pwo kàsuni i, mu à jwo kakuumpyi u nye mii. Ŋka lire nye a li cyèe na Kile Jwumpe pi à le a pwo kàsuni i mà de! ¹⁰ Mii à kuru kyaage puni kwú naye e, Kile nijcwónribii kurugo, bà Yesu Kirisita si mpyi si pi shwo pi i mpyi Kile sinampe e fo tèekwombaa me. ¹¹ Mpe jwumpe na nye kaŋye:

Wuu aha ŋkwú ná Kirisita e,
wuu sí n-pyi nyii na ná u e.

¹² Wuu aha kyaage kwú wuye e,
wuu sí n-pyi fànhe e ná u e,
ŋka wuu aha kàntugo wà u na,
u mú sí kàntugo wà wuu na.

¹³ Wuu méé ká mpyi wuu nye a jà a kwôro ná u e tèrigii puni i me,
wuu a yaa wuu li cè u na nye ná wuu e tèrigii puni i
naha na ye u nye na núruli u njwómèni njwòh'i me.

¹⁴ Ta sùpyire funŋo cwo mpe jwumpe na, yi jwo a waha pi á Kile nyii na, na pi àha raa nàkaante laaga baa woore pyi me, kaŋwòo nye ti na me, ti mú nye na ti lógofebii leni kuro nijcenni i me, ti maha pi wuuni kèege. ¹⁵ Mu wi ke Timŋti, maye waha ma a li cyèe Kile na na mu na nye u báarapyi nijcènŋe, bà mu si mpyi ma hà bú jùzogoro ta ma báaranji cye kurugo me. Ta Kile jwumpe yu ma a njwoge, puru pu nye sèenji. ¹⁶ Cú maye na nàkaante laaga baa woore mpyiŋi na, ti nye a táan Kile á me, naha na ye mpíi pi maha tire nàkaante shiŋi pyi ke, ti maha pire laage tóonge Kile na. ¹⁷ Tire nàkaante maha kakyaare pyi, bà nokwombaaga maha fwónre na ŋkèege me. Imenè ná Fileti na nye tire nàkaante pyifebil'e. ¹⁸ Pi à sèenji kuni yaha marii fini na Kile à dánafeebii jè a yige kwùŋi i mà kwò, na kwupene saha nye me. Lire pyiŋkanni na, pi à sùpyire tà jwo fáanŋa a yige Kile kuni i. ¹⁹ Ŋka Kile Jwumpe nye na ŋkèenŋi me, pu na nye mu à jwo бага nintaa ndemu l'à faanra a jwo ke, l'à séme lire nintaani na:

«Kafoonji Kile à u wuubii cè^a.»

L'à séme mú na:

^a2.19 Nomburu 16.5

«Shin maha shin u à jwo na uru na nyε Kafoonji Kile wu ke, urufoo u láha *kapegigii mpyiŋi na.»

²⁰ Mu aha jyε shinbwoŋi wà bage e, mu maha li nya na bage yaayi yà na nyε seen wuyo, yà s'à yaa ná wyérefyŋi i, yà sí nyε cire wuyo, yà sí nyε cogo wuyo. Yajigiyi loŋgara wuyi maha yaha canmbwoyi mee na, marii jígini ná yi sanpyi i canmpyaagii sanŋkil'e. ²¹ Nyε amuni li mú nyε, ŋgemu ká láha kapegigii mpyiŋi na ke, urufoo sí n-pyi mu à jwo yajigiŋe loŋgara wogo. Urufoo sí n-yaha uye kanni na u n̄ŋufooŋi báaraŋi mee na. Urufoo kaŋwɔɔni sí n-pêe u á sèl'e. Urufoo sí n-bégele báaraŋi niŋcɛnŋi shiŋi puni mpyiŋi mee na.

²² Timŋti, n̄ŋjiibii na ðirili pi nyii karigii nintiimbaagii ŋcyiimu kurugo ke, laaga tɔɔn cyire na feeŋe! Maye waha ma a katiigii pyi, ma a mpyi dánasupya, ma a ma shinŋeɛbii kyaa táan may'á, mpii pi nyε na Kafoonji p̄re ná zòvvinre e ke, mu ná pire pi b̄e. ²³ Ma hà raa ma ŋwɔge leni nákaante laaga baa woore e me, tire maha ma ná yoge e. ²⁴ Mà li ta Kafoonji Yesu báaraŋi nyε a yaa u a kàshi kwùun me. U à yaa u a sùpyigire pyi ná sùpyire puni i, u mú à yaa u a sùpyire taanni Kile kuni naaraŋkanni na, u à yaa u kariii kwú uye e. ²⁵ Mpii pi nyε na u kyáali ke, u raa pire leni kur'e ná lùtaanni i. Shwɔhɔl'e Kile sí pyiŋkanna kan pi á, bà pi funzɔŋɔre si mpyi si ŋk̄eɛŋe, pi i s̄eŋi cè me, ²⁶ si funŋcɛnŋe ta si piye shwɔ Sitaanniŋi na, uru ŋgemu u à pi cù bà kàhhaŋa maha yaaga cù me. Pi kacuni li nyε Sitaanniŋi á, pi raa uru nyii wuuni pyi.

Dipyenji canzanpyi kani

3 ¹ Nyε Timŋti, mu à yaa mu u li cè na *dipyenji canzanpyi sí n-waha s̄e s̄e s̄e, ² naha na ye sùpyire sí raa n-kòre tiy'á, ti funzɔŋɔre puni sí n-taha wyéŋeŋi na, pi sí raa piye p̄re, pi s̄i raa piye cyiin s̄ɔŋɔ me, pi sí raa Kile mege k̄ege, pi s̄i n-pyi ná p̄en'i mà yaha tíi ná pi sifeebil'e me, pi s̄i wà kacenne cè me, pi mú s̄i Kile kuni kani là le dá e me. ³ Pi sí n-pyi sùpyigire baa ná n̄ŋaara baa shiin, s'a sùpyire sannte meyi k̄ege, pi s̄i n-jà n-cù *kapegigii mpyiŋi na me, pi sí n-pyi shinpii, pi tafunŋi u sí n-pyi kacennkii mpyiŋi. ⁴ Pi sí raa sùpyire leni cye e, pi t̄enme sí n-pen, s'a piye p̄re s̄e s̄e. Pi sí nyii yige pi yabilimp̄ii nyii karigii kurugo mà t̄oro Kile nyii wogigii na. ⁵ Pi sí piye pyi sùpyire nyii na, mu à jwo Kile kuni naaraŋe niŋcɛnm̄ii, mà li ta pi s̄i ŋe piye yaha Kile u a ŋk̄eɛŋi me. Timŋti, laaga tɔɔn uru supyishiŋi na.

⁶ Pi p̄ii maha jyε pyenyi i marii cyeebii funŋɔ baa wuubii p̄ii wɔge ná pi ŋwɔtanyi i, bà pi si mpyi s'a ŋege pi jwumpe na me. Pire cyeebil'à kapegigii niŋyahagii pyi, maa pi nyii karigii shiŋi puni pyi ŋcyiimu cyi à k̄antugo wà Kile kun'á ke. ⁷ T̄erigii puni i, pi la maha mpyi si kariii

yyaha cè, ŋka pi sî n-sii n-jà sèeŋi cè mɛ. ⁸ Pire nàmbaabii na sèeŋi tùnni, bà Zhanesi ná Zhanberesi^b à *Kile tûnntunŋi *Musa tûn tèecyiini i mɛ. Pi funzɔŋɔre pun'à lwɔ́ a pwo kapegigii mpyiŋi na, pi Kile kuni ŋaarŋi ŋye ñùŋɔ baa. ⁹ Ŋka pi karigii sî n-shà yyaha na mɛ, ŋaha na ye shinŋyahara sí n-pa li cè na pi funŋɔ baa wuu pi ŋye, mu à jwo Zhanesi ná Zhanberesi.

Timŋti à yaa u kwôro Kile kuni i

¹⁰⁻¹¹ Timŋti, mu wi ke, karigii na mii à kâla ke, ná mii toroŋkanni ná karigii mii la ŋye si mpyi ke, ná mii Kile kuni ŋaarŋkanni ná pyiŋkanni na mii à cû naye ke, ná pyiŋkanni na sùpyire sannte kyal'à táan mii á ke, ná pyiŋkanni na mii à naye waha Kile kuni i ke, ná pyiŋkanni na mii à kyaala sùpyire cye e ke, mu à pyi mii fiige cyire puni i. Mu à li cè na mii à kyaala Antiyɔshi ná Ikoni ná Lisitiri kànyi i. Mii à kyaala wani sèl'e, ŋka lire ná li wuuni mú i, wuu Kafoonŋi à mii yige kuru yyefuge puni i pi cye e. ¹² Lire pyiŋkanni na, shin maha shin la ku ŋye s'a Kile kuni ŋaare Yesu *Kirisita wwoŋɛɛge e ke, urufoo sí n-kyaala sùpyire cye e. ¹³ Ŋka shinpiibii ná kafinivinibii pi ke, pire sí yyaha le *kapegigii mpyiŋi na, pi sí raa sùpyire wuruge s'a piye wuruge mú.

Kile Jwumpe Semeŋi kaŋwɔɔni

¹⁴ Mu wi ke Timŋti, karigii na mu à taanna, ka mu u dá cyi sèeŋi na ke, maye pwo cyi na, ŋaha na ye mpîi pi à mu taanna cyi na ke, sèeshiin pi. ¹⁵ Mà lwɔ́ fo mu ŋye nàŋkocyeere e, mu à Kile Jwumpe Semeŋi kâla a cè, uru Semeŋi jwumpe pu sí n-jà yákilifente kan mu á, bà mu si mpyi si dá Yesu *Kirisita na si shwɔ mɛ. ¹⁶ Uru Semeŋi jwumpe pun'à fworo Kile e, lire kurugo pu tayyéreg'à pêe, pu sí n-jà sùpya taanna, pu sí n-jà sùpya yere si u le kuni ñiŋcenni i, pu sí n-jà sùpyaŋi kúu, si u yaha katiigii mpyiŋi na, pu na lire puni ŋwɔge. ¹⁷ Lir'à pyi bà Kile kuni ŋaarafeebii si mpyi si fûnŋɔ s'a sî yyaha na kacenŋkii shiŋi puni mpyiŋi i mɛ.

^b3.8 Yahutuubii na sônŋi na Misira ñcèfeebii kyaa l'à jwo Ekizodi 7--8 i ke, pire pi ŋye Zhanesi ná Zhanberesi.